



Tusagassiorfinnut Nalunaarut Pressemeddelelse

Meeqqat Illersuisuat: Kalaallit Nunaanni tamarmi meeqqanut tamanut nuna tamakkerlugu iliuusissatut pilersaarummik Inatsisartut akuersippata oqaluttuarisaanermi siuariarnerussiaaq

20. maj 2020

Nuna tamakkerlugu iliuusissatut pilersaarummut siunnersuummik, FN-ip Meeqqat pillugit Isumaqatigiissutaanik tamarmik tungaveqartumik akuersinikkut, Kalaallit Nunaata siunnerfilissavaa, nunami meeqqat tamarmik pisinnaatitaaffiisa malinneqarnissaat, taama naliliivoq Meeqqat Illersuisuat Aviâja Egede Lynge.

Ilaqutariinnermut Peqqissutsimullu Ataatsimiititaliap isumaqatigiissup Siumumit, Inuit Ataqaatigiinnit aamma Demokraatinit ilaasortaqaartup, nuna tamakkerlugu iliuusissatut pilersaarummut siunnersuut akuersissutigisassatut inassuteqaatigaat, taassuma FN-ip Meeqqat Pisinnaatitaaffii pillugit Isumaqatigiissutaa tamaat malissagaa siunnerfilerneqarpoq.

Meeqqat Illersuisuata Aviâja Egede Lynge-p tamanna nuannaarutigeqaa ataatsimiititaliarlu nersuualarlugu:

”Nuna tamakkerlugu iliuusissatut pilersaarut taanna Naalackersuisut akuersissutigisappassuk, oqaluttuarisaanikkut siuariarnerussiaaq.

Ukiuni kingullerni Kalaallit Nunaanni meeqqat pisinnaatitaaffii soqutigineqarnerujartoraluartut, amerlanerit ilisimavaat, FN-ip Meeqqat Pisinnaatitaaffii pillugit Isumaqatigiissutaanik malinninniarneq suli naammaginangitsoq. Nuna tamakkerlugu iliuusissatut pilersaarutissap takkuttussap tamanna iluarsisinnaassavaa.”

Nuna tamakkerlugu iliuusissatut pilersaarut ukiorpasuaru Meeqqat Illersuisuannut suliniutaasimavoq pingaarutilik. Aviâja Egede Lyng-p illersuisutut sulinermini nunami illoqarfinni nunaqarfinnilu 40-ni meeqqat inuunermi atugaat pillugit meerarpassuit, inuusuttorpassuit inersimasorpassuillu oqaloqatigisarpai.

Ukiut ingerlanerini meeqqat oqaasii tamanut kiisalu politikerinut ingerlateqqittarpai. Maannamut ukkatarisaq "iluliarsuup nuisasortaannaaniissimavoq" kiisalu sumiginnaasarnerni ersarinnerusuinnarniissimalluni, taamaattumik maanna nuannaarutigaa, meeqqanut tamanut tunngasumik nuna tamakkerlugu iliuusissatut pilersaarummik akuersissuteqarnikkut, meeqqat takunngitsoorneqarsimasut eqqarsaatigineqarmata.

Meeqqat Illersuisuata politikerit kisiisa nersualaarniangilai, aammali meeqqat sapiissusiat pillugu nersulaarusuppai:

"Politikerit suleqatigigaagatigut tusarnaarlutalu, tamatumunnga aamma attuumassuteqartarpoq, meeqqat angajoqqaallu erumasut oqaluttuarisaat toqqaannartumik oqaluttuarisarigut. Politikikkut aqqissuusaanermi akuersorneq misigisimasarput, siunnersuummik matuminnga kinguneqarsimasoq nuannerluinnarpoq. Siunnersuut akuerineqassappat, tamanna isumaqassaaq meeqqanut siviluallaamik isiginngitsoorneqarsimasunut pingaaruteqarluinnartumik allannguiffiussasoq".

Politikerit iliuuseqarnerannut nersorerisa saniatigut, Meeqqat Illersuisuata Kalaallit Nunaanni meeqqat inuunermi atugarisaat pillugit oqaluttuarnissamut meeqqat inuiaqatigiillu sapiissuseqarsimanerat erseqqissarusuppaa. "Taakku immikkut qujassuteqarfigerusuppakka," Meeqqat Illersuisuat Aviâja Egede Lyng naggasiivoq.

Nuna tamakkerlugu iliuusissatut pilersaarummut siunnersuut 26. maj 2020 aappasaaneerseqassaaq.

Asannittumik inuulluaqqusillunga
Med Kærlig hilsen



Meeqqat tamarmik naleqarput

Alle børn er værdifulde

All children are valuable

Aviâja Egede Lyng
Meeqqat Illersuisuat
Børnetalsmand
Avi@mio.gl
Tlf.: 531274